

Na osnovu člana 63. stav (1) tačka b) Zakona o visokom obrazovanju (Prečišćeni tekst) („Službene novine Tuzlanskog kantona“, broj: 21/21, 22/21, 5/22, 11/22, 16/22 5/25 i 14/25), člana 52. stav (1) tačka b) i člana 294. stav (4) Statuta JU Univerzitet u Tuzli (Prečišćeni tekst), te Odluke Vlade Tuzlanskog kantona o davanju prethodne saglasnosti broj: 02/1-34-4496-1/26 od 24.02.2026. godine, Senat Univerziteta u Tuzli na sjednici održanoj 27. 02. 2026. godine donio je

ODLUKU

o izmjenama i dopunama Statuta JU Univerzitet u Tuzli (Prečišćeni tekst)

Član 1.

U Statutu JU Univerzitet u Tuzli (Prečišćeni tekst) broj: 03-5695-1-2/23 od 18.10.2023. godine, broj: 03-3905-1-1/24 od 09.07.2024. godine i broj: 03-5111-1-1/24 od 19.09.2024. godine, u članu 1. u stavu (2), članu 45. u stavu (1), članu 59. u stavu (3), članu 95., članu 133., članu 156., članu 192. u stavu (1) u tačkama b), c) i e), članu 208. u stavovima (4), (5) i (6), članu 210. u stavu (2), članu 250. u stavu (2) u tački a) i u stavu (3) u tački a), članu 251. u stavu (6), članu 255. u stavu (1) u tački a) i stavu (2), članu 265. u stavu (1), članu 300. u nazivu i u stavovima (1), (2), (3), (4) i (7), riječ “web” zamjenjuje se s riječi “internet”.

Član 2.

U članu 3. u stavu (1) riječi “7/16 i 10/16,” zamjenjuju se s riječima “21/21 – prečišćeni tekst, 22/21, 5/22, 11/22, 16/22, 5/25 i 14/25”.

Član 3.

U članu 9. u stavu (1) riječi “Univerzitet u Tuzli –“ se brišu.

Iza stava (5) dodaje se stav (6) koji glasi:

“(6) Grafički standardi Univerziteta mogu se urediti posebnim dokumentom (knjigom i sl.).”.

Član 4.

U članu 26. u stavu (2) tačka a) mijenja se i glasi:

“a) Prorektor za nastavu, studentska pitanja i ljudske resurse;”.

Član 5.

U članu 31. iza stava (3) dodaju se stavovi (4) i (5) koji glase:

“(4) Prilikom obavljanja praktične nastave u zdravstvenim ustanovama, studenti su dužni čuvati kao profesionalnu tajnu sve što znaju o zdravstvenom stanju pacijenta, u skladu s propisima koji reguliraju oblast zdravstvene zaštite na području Federacije Bosne i Hercegovine i Tuzlanskog kantona.

(5) Praktična nastava na tijelima umrlih lica obavlja se u skladu s propisima koji reguliraju oblast zdravstvene zaštite na području Federacije Bosne i Hercegovine i Tuzlanskog kantona.”.

Član 6.

U članu 33. iza stava (4) dodaje se stav (5) koji glasi:

“(5) Organizacione jedinice imaju pravo posjedovanja i upotrebe imovine u vlasništvu Univerziteta kao i imovine osigurane od strane osnivača, za obavljanje djelatnosti visokog obrazovanja i naučno-istraživačkog/umjetničko-istraživačkog rada u skladu sa zakonom i ovim Statutom, te ista prava ne smiju biti na štetu naučno-nastavnom/umjetničko-nastavnom radu i ugledu Univerziteta.”.

Član 7.

U članu 44. u stavu (2) u tački c) iza riječi “organa” dodaju se riječi “na nivou fakulteta/akademije ili Univerziteta”.

Član 8.

Član 47. mijenja se i glasi:

“Član 47.

(Izbor članova Upravnog odbora iz reda akademskog osoblja i studenata)

- (1) Po prijemu Liste kandidata za izbor članova Upravnog odbora iz reda akademskog osoblja, Senat imenuje tročlanu komisiju iz reda svojih članova za provođenje postupka tajnog glasanja, uključujući njenog predsjednika i zamjenika predsjednika.
- (2) Tajno glasanje za izbor članova Upravnog odbora iz reda akademskog osoblja obavlja se glasačkim listićima na kojima se nalaze imena kandidata s Liste, pri čemu se glasa zaokruživanjem rednog broja ispred imena i prezimena tri kandidata.
- (3) Po okončanju postupka glasanja, predsjednik komisije za provođenje postupka tajnog glasanja podnosi izvještaj o rezultatima glasanja, nakon čega Senat na bazi rezultata prezentiranih u izvještaju, donosi odluku o izboru članova Upravnog odbora iz reda akademskog osoblja, uz usvajanje izvještaja komisije koji je sastavni dio te odluke.
- (4) Za članove Upravnog odbora iz reda akademskog osoblja izabrana su tri kandidata koji su dobili najveći broj glasova, pod uvjetom da taj broj glasova ujedno predstavlja većinu glasova od ukupnog broja prisutnih članova Senata.
- (5) Ako nijedan od kandidata u prvom krugu glasanja ne dobije potrebnu većinu glasova, ili ako dva ili više kandidata dobije isti broj glasova, glasanje se na istoj sjednici ponavlja još jedan put, s tim da u drugi krug glasanja idu tri kandidata s najvećim brojem glasova, odnosno svi kandidati s istim brojem glasova.
- (6) Kandidati koji su u prvom krugu glasanja dobili potrebnu većinu ne idu u naredni krug glasanja.
- (7) Ako i nakon ponovljenog postupka glasanja u smislu stava (5) ovog člana, Senat ne izabere tri člana Upravnog odbora iz reda akademskog osoblja, glasanje će se ponoviti još jednom za kandidate koje predloži Rektor.
- (8) U slučaju kada je kandidat za izbor za člana Upravnog odbora iz reda akademskog osoblja i član Senata, isti ne može učestvovati u glasanju po tački dnevnog reda u kojoj je kandidat za izbor, te se, u skladu s tim, korigira kvorum Senata za odlučivanje.
- (9) U slučaju izbora lica koje je član Senata za člana Upravnog odbora, NNV/UNV vrši njegov opoziv i provodi izbor novog člana Senata.
- (10) O prijedlogu za izbor člana Upravnog odbora iz reda studenata, Senat glasa javno, pri čemu predloženi kandidat, da bi bio izabran, mora dobiti većinu glasova od ukupnog broja prisutnih članova Senata.
- (11) Odluke Senata u postupku izbora članova Upravnog odbora iz reda akademskog osoblja i iz reda studenata su konačne.“

Član 9.

U članu 50. u stavu (1) u tački l) riječi “i druge opšte akte” se brišu.

Iza tačke l) dodaje se tačka m) koja glasi:

“m) donosi druge opšte akte u skladu sa zakonom i Statutom, osim akata kojima se uređuju akademska pitanja;”.

Dosadašnje tačke m) do r) postaju tačke n) do s).

Dosadašnja tačka q), koja postaje tačka r) mijenja se i glasi:

“r) utvrđuje iznos participacije i školarine u troškovima u sva tri ciklusa studija, uz prethodnu saglasnost Vlade Kantona, izuzev iznosa participacije i školarine u troškovima u sva tri ciklusa studija za strane državljane, o čemu posebnu odluku donosi Vlada Kantona;”.

Dosadašnja tačka s) se briše.

U tački w) riječi “nastavnika i saradnika” zamjenjuju se s riječi “asistenata”.

Član 10.

U članu 51. u stavu (1) tačka b) mijenja se i glasi:

“b) po dva člana sa svakog fakulteta/akademije iz reda akademskog osoblja koji su članovi NNV/UNV i koje bira NNV/UNV.”.

Stavovi (3), (5), (6) i (7) se brišu.

Dosadašnji stav (4) postaje stav (3) i iza istog dodaju se stavovi (4) i (5) koji glase:

“(4) Rad Senata je javan.

(5) Dnevni red i materijali s dnevnog reda Senata objavljuju se na internet stranici Univerziteta najmanje pet dana prije održavanja redovne sjednice Senata, odnosno u kraćem roku u slučaju održavanja vanredne ili tematske sjednice Senata, uz poštovanje odredbi Zakona o zaštiti ličnih podataka (“Službeni glasnik Bosne i Hercegovine”, broj: 12/25).”.

Član 11.

Iza člana 51. dodaje se član 51a. koji glasi:

“Član 51a.

(Procedura izbora članova Senata sa fakulteta/akademije)

- (1) Proceduru izbora dva člana Senata sa svakog fakulteta/akademije provodi tročlana komisija tajnim glasanjem, koju imenuje NNV/UNV iz reda svojih članova, uključujući njenog predsjednika i zamjenika predsjednika.
- (2) Svaki član NNV/UNV-a iz reda akademskog osoblja može NNV/UNV-u predložiti kandidata/e za izbor u Senat, te svaki član NNV/UNV-a iz reda akademskog osoblja može biti biran za člana Senata.
- (3) Prilikom predlaganja kandidata za izbor u Senat vodit će se računa o ravnopravnoj zastupljenosti oba spola u odnosu na sastav NNV/UNV-a.
- (4) Tajno glasanje u proceduri izbora članova Senata obavlja se glasačkim listićima na kojima se nalaze imena kandidata, pri čemu se glasa zaokruživanjem rednog broja ispred imena i prezimena dva kandidata.
- (5) Po okončanju postupka glasanja, predsjednik komisije za provođenje postupka tajnog glasanja podnosi izvještaj o rezultatima glasanja, nakon čega NNV/UNV na bazi rezultata prezentiranih u izvještaju, donosi odluku o izboru članova Senata, uz usvajanje izvještaja komisije koji je sastavni dio te odluke.
- (6) Za članove Senata izabrana su dva kandidata koji su dobili najveći broj glasova, pod uvjetom da taj broj glasova ujedno predstavlja većinu glasova od ukupnog broja prisutnih članova NNV/UNV-a.
- (7) Ako nijedan od predloženih kandidata u prvom krugu glasanja ne dobije potrebnu većinu glasova, ili ako dva ili više kandidata dobije isti broj glasova, glasanje se na istoj sjednici ponavlja još jedan put, s tim da u drugi krug glasanja idu dva kandidata s najvećim brojem glasova, odnosno kandidati s istim brojem glasova.
- (8) Ako i nakon ponovljenog postupka glasanja u smislu stava (7) ovog člana, NNV/UNV ne izabere oba člana Senata, procedura izbora za članove Senata će se ponovno provesti u roku od 30 dana.
- (9) Ako i nakon ponovljene procedure izbora za članove Senata u smislu stava (8) ovog člana, NNV/UNV ne izabere oba člana Senata, iste će posebnom odlukom imenovati dekan iz reda akademskog osoblja koji su članovi NNV/UNV-a, vodeći računa o ravnopravnoj zastupljenosti oba spola, u odnosu na sastav NNV/UNV-a.
- (10) Odluka NNV/UNV-a o izboru članova Senata dostavlja se svim članovima NNV/UNV-a u roku od 5 (pet) dana od dana donošenja iste.
- (11) Protiv odluke iz stava (10) ovog člana, svaki član NNV/UNV-a ima pravo prigovora Senatu Univerziteta u roku od 8 (osam) dana od dana prijema odluke, ukoliko smatra da procedura izbora nije provedena u skladu sa zakonom i Statutom.
- (12) O prigovoru iz stava (11) ovog člana Senat donosi konačnu odluku.
- (13) U slučaju da se procedura izbora za članove Senata sa fakulteta/akademije ne okonča do isteka mandata ranijih članova Senata, dekan će posebnom odlukom imenovati privremene članove iz reda akademskog osoblja koji su članovi NNV/UNV-a, čiji mandat prestaje sa danom početka mandata članova koji se izaberu u redovnoj proceduri.
- (14) Odluke dekana iz stavova (9) i (13) ovog člana su konačne.“.

Član 12.

U članu 53. stav (2) mijenja se i glasi:

“(2) Rektor Univerziteta je odgovoran za zakonitost i statutarnost akata koje donosi Senat u okviru nadležnosti koje mu pripadaju, te je dužan obustaviti od izvršenja opći akt donesen na Univerzitetu za kojeg smatra da nije u saglasnosti sa ustavom ili je u suprotnosti sa zakonom i drugim propisima, kao i izvršavanje pojedinačnog akta kojim se nanosi šteta Univerzitetu ili društvenoj zajednici i o tome obavijestiti Ministarstvo.”

Član 13.

U članu 64. u stavu (1) u tački m) iza riječi „imenovanje“ dodaju se riječi „i razrješenje“.

Iza tačke p) dodaje se tačka r) koja glasi:

“(r) podnosi Upravnom odboru prijedlog plana nabavki Univerziteta;”

Dosadašnja tačka r) postaje tačka s).

Član 14.

U članu 67. u stavu (2) tačke f), g), h) i i) postaju tačke d), e), f) i g).

Član 15.

U članu 72. u stavu (1) iza riječi “punim” dodaju se riječi “ili nepunim”.

Stav (3) mijenja se i glasi:

“(3) Rektor je u obavezi dati Senatu prijedlog kandidata za izbor prorektora ukoliko isti nisu imenovani, odnosno može dati prijedlog kandidata za izbor novih prorektora.”

Član 16.

U članu 75. iza stava (2) dodaje se stav (3) koji glasi:

“(3) Odluka Rektora iz stava (2) ovog člana je konačna.”

Član 17.

U članu 76. u stavu (3) iza riječi “prorektora” dodaju se riječi “sa punim radnim vremenom”.

U stavu (5) riječi “b) do h)” zamjenjuju se s riječima “b) do f)”.

Član 18.

U članu 77. stav (1) mijenja se i glasi:

“(1) Prorektor može biti razriješen odlukom Rektora ili Senata i prije isteka perioda na koji je izabran, iz razloga utvrđenih u članu 67. stav (1), tačke a), c) i e) i stav (2), tačke b), c), d), e) i f) Statuta, koji se analogno primjenjuju i na prorektora.”

Član 19.

Naziv člana 79. mijenja se i glasi:

“(Prorektor za nastavu, studentska pitanja i ljudske resurse)”

U istom članu u stavu (1) riječi “Prorektor za nastavu i studentska pitanja” zamjenjuju se s riječima “Prorektor za nastavu, studentska pitanja i ljudske resurse”, a riječi “Uredom za nastavu i studentska pitanja” zamjenjuju se s riječima “Uredom za nastavu, studentska pitanja i ljudske resurse”.

Iza tačke n) dodaje se tačka o) koja glasi:

“(o) predlaže i provodi politiku i aktivnosti vezane za ljudske resurse Univerziteta;”

Dosadašnja tačka o) postaje tačka p) i u istoj se riječi “Ureda za nastavu i studentska pitanja” zamjenjuju s riječima “Ureda za nastavu, studentska pitanja i ljudske resurse”.

U stavu (2) riječi “Prorektor za nastavu i studentska pitanja” zamjenjuju se s riječima “Prorektor za nastavu, studentska pitanja i ljudske resurse”.

Član 20.

U članu 81. u stavu (1) u prvoj rečenici i u tački m) riječi “Ured za međuuniverzitetsku saradnju u zemlji i inostranstvu” u različitom padežu zamjenjuju se s riječima “Ured za međunarodnu i međuuniverzitetsku saradnju” u odgovarajućem padežu.

Član 21.

U članu 84. u stavu (1) tačka d) mijenja se i glasi:

“d) priprema odluku o pokretanju i rukovodi provođenjem godišnjeg popisa sredstava i izvora sredstava;”.

Tačka f) mijenja se i glasi:

“f) priprema i podnosi Upravnom odboru finansijski plan Univerziteta na usvajanje;”.

Nakon tačke g) tačke f), h), i), j), k), l), m), n), o), p), q), r), s), t), u), v), w), x) i y) postaju tačke h), i), j), k), l), m), n), o), p), q), r), s), t), u), v), w), x), y) i z).

Dosadašnje tačke h), i), j) i k) koje postaju tačke i), j), k) i l) mijenjaju se i glase:

“i) pokreće aktivnosti, učestvuje i koordinira radom na izradi dokumenata prijedloga okvirnog budžeta i budžetskih zahtjeva Univerziteta, te ih podnosi Rektor u usvajanje;

j) pokreće aktivnosti, učestvuje i koordinira radom na izradi dokumenta plana nabavki Univerziteta, te ga podnosi Rektor;

k) kontrolira pripremljene ugovore o javnim nabavkama roba, usluga i radova i prati njihovu realizaciju;

l) kontrolira pripremljene ugovore o angažovanju u nastavi spoljnih saradnika i druge ugovore finansijske prirode, te prati njihovu realizaciju u dijelu finansijskih obaveza;”.

Dosadašnje tačke w) i x) koje postaju tačke x) i y) mijenjaju se i glase:

“x) pruža podršku Rektor u koordiniranju aktivnostima na uspostavljanju, razvoju i funkcioniranju sistema finansijskog upravljanja i kontrole na Univerzitetu;

y) pruža podršku Rektor u pripremi izjave o fiskalnoj odgovornosti Univerziteta, u skladu sa zakonom i podzakonskim aktima;”.

Član 22.

U članu 91. stav (1) mijenja se i glasi:

“(1) Upravni odbor može razriješiti direktora za ekonomske poslove i prije isteka perioda na koji je izabran, iz razloga utvrđenih u članu 67. ovoga Statuta, stav (1), tačke a), c) i e), te stavu (2), tačke b), c), d), e) i f), koji se analogno primjenjuju i na direktora za ekonomske poslove.”.

Član 23.

U članu 93. u stavu (1) tačka g) mijenja se i glasi:

“g) učestvuje u pripremi sjednica Senata i Upravnog odbora Univerziteta;”.

Član 24.

U članu 103. stav (1) mijenja se i glasi:

“(1) Upravni odbor može razriješiti sekretara Univerziteta i prije isteka perioda na koji je izabran, iz razloga utvrđenih u članu 67. stav (1), tačke a), c) i e), te stavu (2), tačke b), c), d), e) i f) Statuta, koji se analogno primjenjuju i na sekretara Univerziteta.”.

Član 25.

U članu 105. u stavu (2) tačka a) mijenja se i glasi:

“a) Ured za nastavu, studentska pitanja i ljudske resurse;”.

U tački c) riječi “u zemlji i inostranstvu” se brišu.

Član 26.

Član 106. mijenja se i glasi:

“Član 106.

(Nezavisne podorganizacione jedinice)

Na nivou Univerziteta, kao nezavisne podorganizacione jedinice, uspostavljaju se Centar za osiguranje kvaliteta i internu evaluaciju, te Jedinica interne revizije, čiji je djelokrug rada utvrđen zakonom, podzakonskim aktima i Pravilnikom o unutrašnjoj organizaciji i sistematizaciji radnih mjesta.”.

Član 27.

Iza člana 117. dodaje se član 117a. koji glasi:

“Član 117a.

(Etički komitet za naučno-istraživački rad)

(1) Etički komitet za naučno-istraživački rad Univerziteta u Tuzli (dalje: Etički komitet za NIR) je stručno tijelo koje ima sedam članova, uključujući predsjednika i zamjenika predsjednika, koji se imenuju iz reda nastavnika zaposlenih na Univerzitetu.

(2) Članove Etičkog komiteta za NIR imenuje Senat na prijedlog Rektora Univerziteta, na period od dvije godine.

(3) Etički komitet za NIR ima sekretara koji se imenuje iz reda diplomiranih pravnika/bachelora prava zaposlenih na Univerzitetu.

(4) Nadležnosti, način rada i odlučivanje, prava i dužnosti članova Etičkog komiteta za NIR, te druga pitanja od značaja za rad Etičkog komiteta za NIR uređuju se posebnim općim aktom Univerziteta.”.

Član 28.

U članu 125. u stavu (1) u tački c) iza riječi “mentore” dodaje se znak i riječ “/komentore”.

Stav (2) mijenja se i glasi:

“(2) NNV/UNV je dužno donijeti odluku/utvrditi prijedlog iz stava (1) tačke c), j) i r) ovog člana u rokovima propisanim zakonom, Statutom i drugim općim aktima Univerziteta, u suprotnom dekan fakulteta/akademije dužan je ponovno sazvati sjednicu NNV/UNV-a u daljnjem roku od 15 dana na kojoj će se donijeti odluka, odnosno utvrditi prijedlog i dostaviti organu nadležnom za postupanje.”.

Član 29.

U članu 127. stav (1) mijenja se i glasi:

“(1) Dekan je odgovoran za zakonitost i statutarnost akata koje donosi/utvrđuje NNV/UNV u okviru nadležnosti koje mu pripadaju, te je dužan obustaviti od izvršenja svaki akt NNV/UNV-a koji je suprotan zakonu, Statutu, općim aktima Univerziteta ili drugim propisima, uz pokretanje odgovarajućeg postupka/inicijative za utvrđivanje odgovornosti predlagača takvog akta.”.

U stavu (2) riječi “što će se urediti posebnim Pravilnikom kojeg donosi Senat na prijedlog Rektora.” se brišu, a nakon riječi “NNV/UNV-u” umjesto zareza stavlja se tačka.

Član 30.

U članu 131. stav (1) mijenja se i glasi:

“(1) Dekan se bira iz reda nastavnika izabranih na Univerzitetu u zvanje redovnog ili vanrednog profesora koji je u radnom odnosu u punom radnom vremenu na Univerzitetu, s tim da najmanje polovinu nastavne norme mora biti angažovan na fakultetu/akademiji na koju se bira, i koji ispunjava opšte i posebne uslove propisane za Rektora, iz člana 58. stavovi (2) i (3) ovog Statuta, koji se analogno primjenjuju i kod ispunjenja uslova za dekana, a imenuje ga NNV/UNV, uz prethodnu saglasnost rektora.”.

Stav (2) se briše.

Dosadašnji stavovi (3) i (4) postaju stavovi (2) i (3).

U dosadašnjem stavu (3) koji postaje stav (2) riječi “i (2)” se brišu.

U dosadašnjem stavu (4) koji postaje stav (3) broj “3” zamjenjuje se s brojem “2”.

Član 31.

U članu 139. stav (1) mijenja se i glasi:

“(1) Dekan može biti razriješen odlukom NNV/UNV-a i prije isteka perioda na koji je izabran, iz razloga utvrđenih u članu 67. stav (1), tačke a), c) i e), te stavu (2), tačke b), c), d), e) i f) Statuta, koji se analogno primjenjuju i na dekana.”

U stavu (4) iza riječi “NNV/UNV-a” stavlja se zarez i dodaju riječi “koja stupa na snagu danom pribavljanja saglasnosti rektora za razrješenje.”.

Član 32.

U članu 141. iza stava (6) dodaje se stav (7) koji glasi:
“(7) Odluka dekana iz stava (6) ovog člana je konačna.”.

Član 33.

U članu 143. u stavu (1) u tački b) i članu 205. u stavu (3) riječi “Ured za nastavu i studentska pitanja” u različitom padežu zamjenjuju se s riječima “Ured za nastavu, studentska pitanja i ljudske resurse” u odgovarajućem padežu.

Član 34.

U članu 145. stav (1) mijenja se i glasi:

“(1) Prodekani mogu biti razriješeni odlukom NNV/UNV-a, i prije isteka perioda na koji su izabrani, iz razloga utvrđenih u članu 67. ovoga Statuta, stav (1), tačke a), c) i e), te stavu (2), tačke b), c), d), e) i f), koji se analogno primjenjuju i na prodekane.”

Član 35.

U članu 146. stav (2) mijenja se i glasi:

“(2) Vijeće čine svi nastavnici i saradnici zaposleni na Univerzitetu izabrani na užim naučnim oblastima zastupljenim na studijskom odsjeku, te po jedan predstavnik studenata iz postojećih ciklusa studija, izabranih od strane studentskog predstavničkog organa.”.

Iza stava (2) dodaje se stav (3) koji glasi:

“(3) Nastavnici, saradnici i student Univerziteta iz stava (2) ovog člana ne mogu istovremeno biti članovi više vijeća studijskih odsjeka, pri čemu nastavnici i saradnici imaju pravo izbora u kojem vijeću će biti članovi.”.

Član 36.

U članu 147. u stavu (1) u tački d) riječ „naučnog“ se briše, a iza riječi “mentora” dodaje se znak i riječ “/komentora”.

U tački e) iza riječi “mentora” dodaje se znak i riječ “/komentora”.

Član 37.

U članu 157. stav (1) mijenja se i glasi:

“(1) Za direktora SC-a može biti izabran kandidat koji ispunjava opšte uslove utvrđene u članu 58. stav (2) Statuta, koji se analogno primjenjuju i na direktora SC, te koji ispunjava i sljedeće posebne uslove:

- a) završen ekonomski fakultet u četverogodišnjem trajanju ili prvi ciklus studija vrjednovan sa 240 ECTS i radno iskustvo u struci u trajanju od najmanje pet godina;
- b) da nema funkciju u izvršnim organima političke partije ili organizacije koja je povezana sa političkom partijom;
- c) nepostojanje privatnog finansijskog interesa na Univerzitetu.”.

Član 38.

U članu 160. riječi “ukoliko nije u takvom statusu,” se brišu.

Član 39.

U članu 163. stav (1) mijenja se i glasi:

“(1) Upravni odbor može razriješiti direktora SC i prije isteka perioda na koji je izabran, iz razloga utvrđenih u članu 67. stav (1), tačke a), c) i e), te stavu (2), tačke b), c), d), e) i f) Statuta, koji se analogno primjenjuju i na direktora SC.”.

U stavu (2) iza riječi “Prijedlog za” dodaje se riječ “prijevremeno”.

Član 40.

U članu 164. u stavu (1) iza riječi "prijedlogu za" dodaje se riječ "prijevremeno".

U stavu (2) iza riječi "odbora o" dodaje se riječ "prijevremenom".

U stavu (3) iza riječi "odluke o" dodaje se riječ "prijevremenom", a broj "156" zamjenjuje se brojem "162".

Član 41.

U članu 174. iza stava (5) dodaju se stavovi (6) i (7) koji glase:

"(6) Univerzitet u okviru svoje djelatnosti može realizovati programe cjeloživotnog učenja kao kratke studijske programe koji traju do jedne godine, na način utvrđen općim aktom koji donosi Senat.

(7) Lice upisano na program iz stava (6) ovog člana nema status studenta, i nakon uspješno savladanog programa izdaje mu se certifikat o završenom programu cjeloživotnog učenja i stečenim kompetencijama."

Član 42.

U članu 175. u stavu (2) i članu 207. u stavovima (3) i (4) riječi "Prorektor za nastavu i studentska pitanja" zamjenjuju se s riječima "Prorektor za nastavu, studentska pitanja i ljudske resurse".

Član 43.

U članu 182. u stavu (1) iza riječi "studija" riječi "u pravilu počinje" se brišu.

Iza stava (1) dodaje se stav (2) koji glasi:

"(2) Početak akademske godine na drugom i trećem ciklusu studija utvrđuje se kalendarom iz stava (4) ovog člana i u pravilu traje 12 mjeseci, a organizuje se u dva semestra, zimski i ljetni."

Dosadašnji stavovi (2) i (3) postaju stavovi (3) i (4).

Član 44.

Član 183. mijenja se i glasi:

“Član 183.

(Pravo učešća na javnom konkursu)

(1) Prijem i upis u prvu studijsku godinu vrši se na osnovu konačnih rezultata javnog konkursa koji raspisuje Senat, u skladu sa zakonom, Statutom i općim aktima Univerziteta.

(2) Pravo učešća na javnom konkursu za upis u prvu godinu prvog i integriranog prvog i drugog ciklusa studija imaju kandidati državljanima Bosne i Hercegovine, strani državljanima i lica bez državljanstva pod jednakim uslovima, koji su završili srednju školu u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

(3) Pravo učešća na javnom konkursu za upis u prvu godinu drugog ciklusa imaju kandidati državljanima Bosne i Hercegovine, strani državljanima i lica bez državljanstva pod jednakim uslovima, koji su na akreditovanoj visokoškolskoj ustanovi završili odgovarajući dodiplomski/studij prvog ciklusa u četverogodišnjem trajanju, s ostvarenih 240 ECTS bodova, odnosno koji su na akreditovanoj visokoškolskoj ustanovi završili odgovarajući dodiplomski/studij prvog ciklusa u trogodišnjem trajanju, s ostvarenih 180 ECTS bodova za upis na studijski program drugog ciklusa u dvogodišnjem trajanju, u skladu s uslovima i kriterijima utvrđenim studijskim programom.

(4) Pravo učešća na javnom konkursu za upis u prvu godinu trećeg ciklusa imaju kandidati državljanima Bosne i Hercegovine, strani državljanima i lica bez državljanstva pod jednakim uslovima, koji su na akreditovanoj visokoškolskoj ustanovi završili odgovarajući postdiplomski/studij drugog ciklusa, s ostvarenih najmanje 300 ECTS bodova, u skladu s uslovima i kriterijima utvrđenim studijskim programom.

(5) Pravo učešća na javnom konkursu za upis u prvu godinu trećeg ciklusa studija iz oblasti biomedicinskih i farmaceutskih nauka imaju kandidati državljani Bosne i Hercegovine, strani državljani i lica bez državljanstva pod jednakim uslovima, koji su na akreditovanoj visokoškolskoj ustanovi završili odgovarajući integrisani studij prvog i drugog ciklusa, odnosno odgovarajući postdiplomski studij, s ostvarenih najmanje 300 ECTS bodova, u skladu s uslovima i kriterijima utvrđenim studijskim programom.

(6) Bliže odredbe o sadržaju i elementima konkursa, kriterijima, postupku i načinu provođenja upisa studenata utvrđuju se posebnim općim aktom koji donosi Senat, u skladu sa zakonom i Statutom.

(7) Konkurs za upis studenata u prvu godinu svih ciklusa studija objavljuje se u najmanje jednom dnevnom listu na području Bosne i Hercegovine, kao i na internet stranici Univerziteta.”.

Član 45.

Član 184. mijenja se i glasi:

“Član 184.

(Upis studenata)

(1) Status studenta stiče se upisom na odgovarajući studijski program prvog, integriranog prvog i drugog, drugog ili trećeg ciklusa studija.

(2) Upis studenata u prvu godinu studija vrši se do početka akademske godine, a u više godine studija najkasnije deset dana nakon početka akademske godine, u rokovima utvrđenim konkursom za upis, odnosno posebnom odlukom Senata.

(3) Rokovi za upis stranih državljana u sve cikluse studija mogu biti određeni posebnom odlukom Senata.

(4) Lice koje se upiše na studijske programe stiče status studenta i Univerzitet mu izdaje indeks.

(5) Upisanim studentima na studijskim programima koji se izvode na engleskom jeziku indeks se može izdati i na engleskom jeziku.

(6) Upisani studenti stupaju u ugovorni odnos s Univerzitetom, o čemu se zaključuje ugovor u pisanoj formi.”.

Član 46.

U članu 187. iza stava (1) dodaje se stav (2) koji glasi:

“(2) Izuzetno, na obrazloženi i dokumentovani zahtjev kandidata, Senat može odobriti upis kandidata na dva studijska programa na Univerzitetu i to u statusu redovnog studenta, a na osnovu uslova i kriterija koji se propisuju općim aktom Univerziteta.“.

Član 47.

U članu 192. u stavu (1) tačke b) i c) mijenjaju se i glase:

“b) objavljivanjem rasporeda nastave, najkasnije pet dana prije početka realizacije nastave, putem internet stranica fakulteta/akademije i putem platforme eUniversity.

c) objavljivanjem ispitnih termina za svaki ispitni rok najkasnije do 15. novembra putem internet stranica fakulteta/akademije i putem platforme eUniversity;”.

U stavu (2) riječi “Prorektor za nastavu i studentska pitanja” zamjenjuju se s riječima “Prorektor za nastavu, studentska pitanja i ljudske resurse”.

Član 48.

U članu 197. u stavu (1) iza tačke e) dodaju se tačke f), g) i h) koje glase:

“f) ometanje izvođenja nastave i rada na Univerzitetu ili fakultetu/akademiji;

g) neovlašteno korištenje računara Univerziteta ili fakulteta/akademije, koje uključuje neovlašteno instaliranje programa na računaru, brisanje podataka s računara bitnih za njegov rad, neovlašteno preuzimanje softvera s interneta ili drugog neprimjerenog materijala, neovlašteno stavljanje neprimjerenog ili štetnog materijala na računar i sl.;

h) neovlašteno slikanje ili snimanje povjerljivih dokumenata ili stvari koji su u vlasništvu Univerziteta;”.

Dosadašnja tačka f) postaje tačka i).

U stavu (2) tačka a) mijenja se i glasi:

“a) krivotvorenje potpisa nastavnika u indeksu, dokumenata i isprava, a naročito isprava koje izdaje Univerzitet ili fakultet/akademija;”.

U istom stavu u tački h) tekst “ukoliko je Pravilnikom o studiju takva saglasnost utvrđena kao neophodna” se briše.

U istom stavu iza tačke h) dodaju se tačke i), j), k), l), m) i n) koje glase:

“i) nepoštivanje općih akata i odluka nadležnih organa Univerziteta ili fakulteta/akademije;

j) neovlaštena upotreba tuđeg indeksa ili davanje na korištenje vlastitog indeksa;

k) polaganje ispita za drugog pri čemu odgovornost snose obje strane;

l) istupi u javnosti kojima se grubo narušava ugled Univerziteta ili fakulteta/akademije;

m) nasilničko ponašanje prema studentima, nastavnicima i osoblju Univerziteta ili fakulteta/akademije;

n) svaka vrsta diskriminacije i uznemiravanja na osnovu rasne, vjerske, nacionalne i etničke pripadnosti, spola ili seksualne orijentacije, te svakog drugog oblika diskriminacije studenata Univerziteta;”.

U istom stavu dosadašnja tačka i) postaje tačka o).

Član 49.

U članu 198. u stavu (1) iza tačke c) dodaje se tačka d) koja glasi:

“d) Zabrana polaganja ispita u trajanju do šest mjeseci.”.

Član 50.

U članu 199. iza stava (4) dodaje se stav (5) koji glasi:

“(5) Izrečena mjera zabrane polaganja ispita izvršava se tako što se konačna odluka uručuje studentu i evidentira u matičnoj evidenciji i indeksu studenta.”.

Član 51.

Član 208. mijenja se i glasi:

“Član 208.

(Raspored nastave)

(1) Nastava na Univerzitetu se realizuje i izvodi prema utvrđenom rasporedu časova na nivou semestra.

(2) Fakulteti/akademija su obavezni objaviti raspored časova iz stava (1) ovog člana na internet stranicama fakulteta/akademije i na platformi eUniversity, najkasnije pet dana prije početka realizacije nastave.

(3) Raspored časova sadrži:

a) naziv studijskog programa,

b) oznaku studijske godine,

c) naziv nastavnog predmeta,

d) vrijeme (dan, sat) i mjesto (amfiteatar, sala, laboratorija i dr.) održavanja nastave (predavanja i vježbi),

e) imena nastavnika/saradnika koji izvode nastavu,

f) broj časova koje realizuje svaki nastavnik/saradnik,

g) druga uputstva o nastavi.

(4) Mjesto održavanja nastave može biti i van mjesta određenog rasporedom u skladu s potrebama i realizacije nastavnog predmeta.

(5) Čas traje 45 minuta i u pravilu se između časova planira kratka pauza (odmor).

(6) Raspored časova može se iz opravdanih razloga mijenjati u toku semestra, pri čemu se izmjene moraju objaviti na način i u roku iz stava (2) ovog člana.

(7) Ukoliko je nastavnik ili saradnik primoran da, iz opravdanih razloga (službeni put, odsustvo radi usavršavanja ili drugi osnov odsustva sa rada u skladu sa zakonom i općim

aktima Univerziteta), odgodi održavanje nastave u terminu definisanom rasporedom časova, dužan je o tome obavijestiti studente na način utvrđen u stavu (2) ovog člana, najkasnije 24 sata prije planiranog vremena održavanja nastave, a u izuzetnim slučajevima (iznenadna bolest nastavnika ili saradnika, iznenadna smrt ili bolest člana uže porodice nastavnika ili saradnika, nesretan slučaj) i u kraćem roku, te ih obavijestiti o terminu nadoknade propuštene nastave.“.

Član 52.

U članu 211. u stavu (1) iza riječi “mentorstva” dodaje se znak i riječ “/komentorstva”.

Član 53.

U članu 214. u stavu (6) riječi „do kraja akademske godine“ zamjenjuju se riječima „na način utvrđen odlukom NNV/UNV-a“.

Član 54.

U članu 241. iza stava (6) dodaje se stav (7) koji glasi:

“(7) Izuzetno, ukoliko na Univerzitetu nije organiziran drugi, odnosno treći ciklus studija iz odgovarajuće naučne oblasti ili područja, asistent, odnosno viši asistent zahtjev za produženje izbornog perioda može podnijeti i bez prilaganja potvrde iz stava (6) ovog člana.”.

Dosadašnji stavovi (7), (8) i (9) postaju stavovi (8), (9) i (10).

U dosadašnjem stavu (7) koji postaje stav (8), riječi “(4), (5) i (6)” zamjenjuju se s riječima “(4), (5), (6) i (7)”.

U dosadašnjem stavu (9) koji postaje stav (10), broj “8” zamjenjuje se brojem “9”.

Član 55.

U nazivu člana 244. riječi „i umjetničko-nastavna“ se brišu.

U istom članu u stavu (1) u tački e) i u stavu (2) u tački f) iza riječi “mentorstvo” dodaje se znak i riječ “/komentorstvo”.

U stavu (3) iza riječi “mentorstva” dodaje se znak i riječ “/komentorstva”.

Član 56.

U nazivu člana 245. iza riječi “izbor” dodaju se riječi „u saradnička zvanja“.

Član 57.

Član 246. mijenja se i glasi:

“Član 246.

(Ekvivalencija odnosno supstitucija mentorstva/komentorstva)

U slučaju da kandidat pri izboru u zvanje vanrednog, odnosno redovnog profesora, nije mogao ispuniti uslov mentorstvo/komentorstvo kandidata za drugi, odnosno treći ciklus studija u dva izborna perioda u zvanju docenta, odnosno vanrednog profesora, uvodi se ekvivalencija odnosno supstitucija mentorstva/komentorstva sa tri dodatna naučna rada odnosno kliničke studije za područje medicine i zdravstvenih nauka objavljena/e u priznatim publikacijama, u odnosu na minimalne uslove utvrđene zakonom”.

Član 58.

U članu 247. u stavu (1) riječi “, a što se dokazuje potvrdom univerziteta na kojem je to iskustvo stečeno” se brišu, a umjesto zareza stavlja se tačka.

Iza stava (1) dodaje se stav (2) koji glasi:

“(2) Pokazana nastavnička sposobnost iz stava (1) ovog člana, odnosno učešće u nastavnom procesu u smislu člana 258. stav (1) tačka m) Statuta, dokazuju se potvrdom/uvjerenjem visokoškolske ustanove na kojoj je to iskustvo stečeno.”.

Član 59.

Naziv člana 248. mijenja se i glasi: "(Uslovi i kriteriji za izbor u umjetničko-nastavna i saradnička zvanja na umjetničkim oblastima)".

U istom članu stav (2) mijenja se i glasi:

"(2) Ukoliko se na konkurs za izbor u zvanje višeg asistenta na umjetničkim oblastima prijavi više kandidata koji ispunjavaju uslove za izbor, pri izboru će se uzeti u obzir sljedeći kriteriji:

- a) visina prosječne ocjene ostvarene na postdiplomskom/drugom ciklusu studija;
- b) visina prosječne ocjene ostvarene na dodiplomskom/prvom ciklusu studija;
- c) učešće u stručno-umjetničkim projektima;
- d) pokazana sklonost za nastavni rad;
- e) poznavanje jednog svjetskog jezika, najmanje srednjeg nivoa;
- f) intervju sa kandidatom, a koje će vrjednovati komisija za pripremanje prijedloga za izbor kandidata na način koji će se bliže utvrditi posebnim opštim aktom kojeg donosi Senat Univerziteta."

Iza stava (2) dodaje se stav (3) koji glasi:

"(3) Ukoliko se na konkurs za izbor u zvanje asistenta na umjetničkim oblastima prijavi više kandidata koji ispunjavaju uslove za izbor, pri izboru će se uzeti u obzir sljedeći kriteriji:

- a) visina prosječne ocjene ostvarene na dodiplomskom/prvom ciklusu studija;
- b) kandidat dobitnik najvećeg priznanja Univerziteta – student generacije Univerziteta;
- c) visina prosječne ocjene iz predmeta uže umjetničke oblasti na koju se kandidat bira;
- d) dužina studiranja;
- e) pokazana sklonost za stručno-umjetnički rad;
- f) poznavanje jednog svjetskog jezika, najmanje srednjeg nivoa;
- g) intervju sa kandidatom, a koje će vrjednovati komisija za pripremanje prijedloga za izbor kandidata na način koji će se bliže utvrditi posebnim opštim aktom kojeg donosi Senat Univerziteta."

Dosadašnji stavovi (3) i (4) postaju stavovi (4) i (5).

U dosadašnjem stavu (4) koji postaje stav (5), iza riječi "Registrom" dodaju se riječi "odnosno posebnim opštim aktom Univerziteta".

Član 60.

U članu 251. u stavu (1) riječ "univerzitetu" zamjenjuje se s riječi "visokoškolskoj ustanovi".

Stav (6) mijenja se i glasi:

"(6) Na zahtjev predsjednika Komisije za pripremanje prijedloga za izbor, NNV/UNV posebnom odlukom utvrđuje naziv teme, termin i mjesto održavanja pristupnog predavanja, nakon čega održavanje pristupnog predavanja oglašava na oglasnoj ploči i internet stranici fakulteta/akademije."

Član 61.

U članu 255. iza stava (5) dodaje se stav (6) koji glasi:

"(6) Karakter i sadržaj konkursa iz ovog člana, te druga pitanja u vezi konkursne procedure koja nisu uređena Statutom, bliže će se urediti posebnim općim aktom koji donosi Senat."

Član 62.

U članu 257. u stavu (4) broj "4" zamjenjuje se s brojem "3".

Stav (5) se briše.

Dosadašnji stav (6) postaje stav (5) i iza istog dodaje se stav (6) koji glasi:

"(6) U postupku odlučivanja po zahtjevu za preispitivanje odluke Senata o izboru, Senat može tražiti posebno očitovanje i/ili postupanje NNV/UNV-a i/ili Komisije za pripremanje prijedloga za izbor."

U stavu (7) broj "7" zamjenjuje se brojem "5".

Član 63.

U članu 258. u stavu (1) u tačkama k) i l) iza riječi "Mentorstvo" dodaje se znak i riječ "/komentorstvo".

Tačka m) mijenja se i glasi:

“m) Učešće u nastavnom procesu na visokoškolskoj ustanovi – 2 boda za svaku akademsku godinu, odnosno 1 bod za svaki semestar.”.

Član 64.

Iza člana 265. dodaje se član 265a. koji glasi:

“Član 265a.

(Preuzimanje akademskog zvanja)

(1) Univerzitet može bez raspisivanja javnog konkursa angažovati nastavnike koji imaju odgovarajući izbor u naučno-nastavno/umjetničko-nastavno zvanje na drugoj javnoj visokoškolskoj ustanovi u Bosni i Hercegovini, za izvođenje nastave, mentorstvo/komentorstvo ili učešće u komisijama u postupcima sticanja stepena magistra, odnosno doktora nauka, na studijskim programima svih ciklusa studija za koje posjeduje licencu ili akreditaciju, po proceduri preuzimanja naučno-nastavnog/umjetničko-nastavnog zvanja.

(2) Provjeru, analizu i definisanje uslova za preuzimanje naučno-nastavnih/umjetničko-nastavnih zvanja vrši NNV/UNV fakulteta/akademije matičnog/e za uže naučne/umjetničke oblasti/nastavne predmete za koje se vrši preuzimanje, u skladu sa posebnim općim aktom Univerziteta koji donosi Senat.

(3) Zadatak NNV/UNV-a je utvrđivanje kompatibilnosti uže naučne/umjetničke oblasti/nastavnog predmeta za koju/i kandidat ima izbor u naučno-nastavno/umjetničko-nastavno zvanje na drugoj javnoj visokoškolskoj ustanovi, sa užim naučnim/umjetničkim oblastima/nastavnim predmetima za koje može biti angažovan.

(4) Na osnovu uvida u relevantnu dokumentaciju, a posebno odluku o izboru na javnoj visokoškolskoj ustanovi sa koje se vrši preuzimanje kao i ostale uslove definisane Zakonom, NNV/UNV daje mišljenje o ispunjenosti uslova za preuzimanje i predlaže užu naučnu/umjetničku oblast/nastavni predmet na koju/i nastavnik može biti angažovan.

(5) Na osnovu prijedloga NNV/UNV-a, Senat donosi odluku o preuzimanju akademskog zvanja sa druge javne visokoškolske ustanove, u kojoj se navodi za koju užu naučnu/umjetničku oblast ili oblasti/nastavne predmete se nastavniku preuzima akademsko zvanje i na koji vremenski period.

(6) Postupak preuzimanja akademskog zvanja i druga pitanja u vezi s ovim postupkom i angažmanom nastavnika sa drugih visokoškolskih ustanova bliže će se urediti općim aktom iz stava (2) ovog člana.“.

Član 65.

U članu 266. u stavu (2) i stavu (3) u tački b) iza riječi “mentor” navedene u različitom padežu dodaje se znak i riječ “/komentor” u odgovarajućem padežu.

Član 66.

U članu 272. u stavu (1) iza riječi “nastavnika” dodaju se riječi “i saradnika”, iza riječi “nastavnik” dodaju se riječi “ili saradnik”, a iza riječi “naučno-nastavni” dodaje se znak i riječi “/umjetničko-nastavni”.

U stavu (3) iza riječi “nastavnika” dodaju se riječi “i saradnika”.
Iza stava (3) dodaju se stavovi (4) i (5) koji glase:

“(4) Angažman u komisijama za ocjenu i odbranu magistarskih radova i doktorskih disertacija kao i članstvo u komisijama za izbor akademskog osoblja kod drugih pravnih lica, izvan Univerziteta, ne predstavlja dodatno radno angažovanje u smislu stavova (1) i (2) ovog člana, za koje je potrebna saglasnost Senata ili drugog organa Univerziteta/fakulteta/akademije.

(5) O angažmanu iz stava (4) ovog člana nastavnik je dužan informisati dekana fakulteta/akademije u kojem/oj ostvaruje radni odnos.“.

Dosadašnji stav (4) postaje stav (6) i u istom se iza riječi “nastavnika” dodaju riječi “odnosno saradnika”.

Dosadašnji stav (5) postaje stav (7).

Dosadašnji stav (6) postaje stav (8) i u istom se iza riječi “naučno-nastavno” dodaju riječi “/umjetničko-nastavno/saradničko”, a na kraju rečenice briše se tačka i dodaju riječi “u periodu od pet godina računajući od dana isteka izbornog perioda.”.

Dosadašnji stav (7) postaje stav (9) i u istom se iza riječi “člana” dodaju riječi “odnosno u vezi sa sukobom interesa.”.

Član 67.

Član 273. mijenja se i glasi:

“Član 273.

(Usavršavanje i plaćena slobodna studijska godina)

(1) Pitanja usavršavanja akademskog i nenastavnog osoblja zaposlenog na Univerzitetu uređuju se Pravilnikom o usavršavanju radnika Univerziteta u Tuzli.

(2) Akademsko osoblje zaposleno na Univerzitetu može, uz uslove i postupak propisan ovim Statutom i općim aktom iz stava (1) ovog člana, koristiti plaćenu slobodnu studijsku godinu (sabbatical), radi naučnog, umjetničkog ili stručnog rada, s tim da se isto može koristiti najviše dva puta i to u zvanju asistenta i višeg asistenta prvi put i u nastavničkim zvanjima drugi put.

(3) Zaposleno akademsko osoblje Medicinskog i Farmaceutskog fakulteta može koristiti plaćenu studijsku godinu iz stava (2) ovog člana zbog potrebe provođenja programa specijalizacije/subspecijalizacije, u dužini trajanja specijalizacije/subspecijalizacije, u skladu sa propisima vezanim za specijalizaciju i subspecijalizaciju zdravstvenih radnika na nivou Federacije Bosne i Hercegovine, ovim Statutom i općim aktom iz stava (1) ovog člana.

(4) Odsustva po osnovu odlaska na naučne konferencije, kongrese, simpozije i slične naučne skupove i kraće programe naučno-nastavne ili umjetničke mobilnosti do mjesec dana nisu uključena u plaćenu slobodnu studijsku godinu.

(5) Pravo korištenja plaćene slobodne studijske godine nastavniku/saradniku može se odobriti pod sljedećim uslovima:

- a) da je u radnom odnosu s punim radnim vremenom na Univerzitetu;
- b) da ne obnaša funkciju rektora, prorektora, dekana ili prodekana na Univerzitetu;
- c) da u toku trajanja slobodne studijske godine ne stiče pravo na penziju, odnosno redovni profesor koji nije u produženom radnom odnosu nakon ispunjavanja uvjeta za penziju.

(6) Plaćena slobodna studijska godina može se odobriti samo ako se za vrijeme odsustva nastavnika/saradnika može osigurati adekvatna zamjena i kontinuirano obavljanje nastave, te ispunjavanje drugih obaveza umjesto nastavnika/saradnika koji koristi slobodnu studijsku godinu.

(7) Zahtjev za korištenje plaćene slobodne studijske godine, akademsko osoblje podnosi, u pravilu, najmanje 6 mjeseci prije početka korištenja.

(8) Odluku o odobravanju plaćene slobodne studijske godine donosi Senat Univerziteta.

(9) Druga pitanja u vezi odobravanja i korištenja plaćene slobodne studijske godine regulirat će se općim aktom iz stava (1) ovog člana.”.

Član 68.

U članu 274. u stavu (4) broj “3” zamjenjuje se brojem “1”.

Član 69.

Iza člana 274. dodaje se član 274a. koji glasi:

“Član 274a.

(Specijalizacija i subspecijalizacija)

(1) Medicinski i Farmaceutski fakultet mogu provoditi programe specijalizacija/subspecijalizacija zdravstvenih radnika i zdravstvenih saradnika u skladu sa propisima kojima se reguliše oblast zdravstvene zaštite na području Federacije Bosne i Hercegovine i Tuzlanskog kantona.

(2) Specijalizaciju i subspecijalizaciju zaposlenog akademskog osoblja Medicinskog i Farmaceutskog fakulteta, planiraju navedeni fakulteti u saradnji s Ministarstvom obrazovanja i nauke Tuzlanskog kantona, Ministarstvom zdravstva Tuzlanskog kantona i Federalnim ministarstvom zdravstva.

(3) Zahtjev za dodjelu specijalizacije i subspecijalizacije iz stava (2) ovog člana, zaposleno akademsko osoblje podnosi Naučno-nastavnom vijeću, koje je dužno isti prosljediti nadležnim organima na daljnje postupanje.”.

Član 70.

U članu 276. stavovi (2) i (3) se brišu.

Dosadašnji stavovi (4), (5) i (6) postaju stavovi (2), (3) i (4).

U dosadašnjem stavu (5) koji postaje stav (3) broj “4” zamjenjuje se brojem “2”.

Dosadašnji stav (6) koji postaje stav (4) mijenja se i glasi:

“(4) Akademsko osoblje kojem je prestao ugovor o radu iz razloga propisanog stavom (1) ovog člana, zadržava naučno-nastavno/umjetničko-nastavno/saradničko zvanje do isteka izbornog perioda koje je imalo u trenutku prestanka ugovora o radu, odnosno trajno ako se radi o naučno-nastavnom/umjetničko-nastavnom zvanju redovnog profesora.”.

Član 71.

U članu 278. u stavu (3) riječi “prorektora za međuuniverzitetsku saradnju u zemlji i inostranstvu i/ili” se brišu.

Član 72.

U članu 300. stav (3) mijenja se i glasi:

“(3) Na internet stranici se objavljuju svi značajni podaci o radu Univerziteta, a naročito: konkursi za izbore u akademska zvanja i javni konkursi/oglasi za prijem u radni odnos, javni konkurs za upis studenata na sve cikluse studija, drugi konkursi i oglasi u skladu sa Statutom i opštim aktima Univerziteta, nastavni planovi i programi, odnosno studijski programi koji se realizuju na Univerzitetu, značajne posjete i drugi važniji događaji na Univerzitetu, kao i drugi podaci utvrđeni Statutom i drugim opštim aktima Univerziteta.”.

Stav (5) mijenja se i glasi:

“(5) Univerzitet izdaje publikacije u skladu sa opštim aktom kojim se uređuje izdavačka djelatnost Univerziteta.”.

Član 73.

U članu 304. u stavu (2) riječi “2024/2025.” zamjenjuju se riječima “2029/2030.”

Stavovi (4) i (5) mijenjaju se i glase:

“(4) Lice iz stava (3) ovog člana ima pravo, na prethodni zahtjev, nastaviti započeti studij uz obavezu plaćanja dodatne participacije i eventualno neizmirenog iznosa školarine, o čemu dekan fakulteta/Akademije donosi rješenje.

(5) Odluku o visini dodatne participacije iz stava (4) ovog člana donosi Upravni odbor Univerziteta, uz prethodnu saglasnost Vlade Kantona.”.

Iza stava (5) dodaje se stav (6) koji glasi:

“(6) Pravo na nastavak studija u smislu stava (4) ovog člana lice može ostvarivati za svaku akademsku godinu za koju je izvršio uplatu dodatne participacije do okončanja studija za sticanje akademskog zvanja magistra nauka ili ekvivalenta, odnosno postupka za sticanje naučnog stepena doktora nauka.”.

Član 74.

U članu 305. stav (5) se briše.

Dosadašnji stavovi (6), (7), (8) i (9) postaju stavovi (5), (6), (7) i (8).

Član 75.

(Mandat zatečenih članova Upravnog odbora)

Članovi Upravnog odbora Univerziteta iz reda akademskog osoblja i studenata zatečeni u mandatu na dan stupanja na snagu ove Odluke, ostaju u mandatu do njegovog isteka.

Član 76.

(Mandat zatečenih članova Senata)

Članovi Senata Univerziteta iz reda akademskog osoblja i studenata zatečeni u mandatu na dan stupanja na snagu ove Odluke, ostaju u mandatu do njegovog isteka.

Član 77.

(Mandat zatečenih članova Etičkog komiteta za NIR)

Članovi Etičkog komiteta za NIR zatečeni u mandatu na dan stupanja na snagu ove Odluke, ostaju u mandatu do njegovog isteka.

Član 78.

(Mandat zatečenog prorektora za nastavu i studentska pitanja)

Prorektor za nastavu i studentska pitanja Univerziteta zatečen u mandatu na dan stupanja na snagu ove Odluke, ostaje u mandatu do njegovog isteka kao prorektor za nastavu, studentska pitanja i ljudske resurse.

Član 79.

(Započeti postupci izbora u akademska zvanja)

Postupci za izbor u akademska zvanja započeti prije stupanja na snagu ove Odluke okončat će se pod uslovima i kriterijima, u postupku i u rokovima utvrđenim Statutom JU Univerzitet u Tuzli (Prečišćeni tekst) broj: 03-5695-1-2/23 od 18.10.2023. godine, broj: 03-3905-1-1/24 od 09.07.2024. godine i broj: 03-5111-1-1/24 od 19.09.2024. godine.

Član 80.

(Započeti postupci za utvrđivanje postojanja povreda obaveza studenata)

Postupci za utvrđivanje postojanja povreda obaveza studenata započeti prije stupanja na snagu ove Odluke okončat će se u skladu s odredbama Statuta JU Univerzitet u Tuzli (Prečišćeni tekst) broj: 03-5695-1-2/23 od 18.10.2023. godine, broj: 03-3905-1-1/24 od 09.07.2024. godine i broj: 03-5111-1-1/24 od 19.09.2024. godine.

Član 81.

Ova Odluka stupa na snagu danom donošenja.

UNIVERZITET U TUZLI
Broj: 03-1596-1-1/26
Tuzla, 27. 02. 2026. godine



PREDSEDavajući SENATA

Dr. sc. Amir Karić, red. prof.

Amir Karić